

吳興掌故集卷之九

九靈山長徐獻忠輯

延州布衣吳夢暘閱

後學茅獻徵校

古蹟類

夫世無百年之生而有千年之蹟士君子託興夷遠委情周歷蓋有不忍泯忘者夫亦係諸其人也弔古感世之士寧無所感發耶昔王右軍與客登覽烏山輒慨然而歎曰百世之後誰知王逸少與諸君至此乎嗟乎後之視今猶今之視昔微言逸表誰不愴然思之述古蹟

掌集九 古蹟類

嘉業堂校刊

烏程閣下生蓮花萬歲麻曰太和二年烏程閣下忽生蓮花方是唐憲宗中興諸道皆用兵而江南稍安息運本水產而生於閣下亦和氣所孕毓也

春申君故宅辨郡志載春申故宅在烏程縣南二十五里卽下菰城新志亦以爲城邑皆非也按東坡隋書地里志黃州永安郡有永安城圖經謂春申君故城蓋非是春申之居乃在吳國今無錫惠山有春申君廟庶幾是乎又張表臣曰黃之永安爲春申故城蓋始封也後楚併吳乃請吳之故宮都焉然行相事未嘗去國所以有廟者後人作之也又史記楚封歇爲春申君賜淮北十二縣後十二年復獻淮北地請封

於江東因城故吳墟以爲都邑今姑胥城內西北隅
四縱五橫之迹可攷則無錫已自不居況吳興非所
封耶今所謂下菰城者蓋春申伐吳時築壘屯駐之
處其四壁門可證又按春秋楚子重伐吳克鳩茲至
於衡山今下菰城正在衡山之南其爲屯駐之處無
疑矣

顓頊冢按顏魯公吳興地記云烏程縣境有顓頊冢圖
經云晉初衡山見顓頊冢有營壘圖今予攷皇覽云
顓頊冢在東郡濮陽頓丘城門外廣陽里中山海經
曰顓頊葬鮒鯁二處之陽卽今溫縣地不知顏公何
不深究遽信圖經之說

黃浦誌以爲黃歇所開故名殊非也按顏魯公妙喜寺
碑內云寺前二十步跨澗有黃浦橋其源出自杼山
西南五里黃檗山其澗因名黃檗澗其北出爲浦因
名曰黃浦其傳譌之久乃以松江郡治南所流大浦
東北出范家河者亦名黃浦郡誌亦附爲黃歇所開
其謬益甚

卞山楚王神廟梁簡文帝作碑記之盛言事佛不殺則
非項王矣湖人舊稱項爲卞山王或卞山別有項王
碑自漢而來事佛不殺者惟楚王英耳雖荆王劉賈
亦非事佛者卞屬故鄣爲丹陽郡管內爲荆楚之封
耶或曰唐正除有項王蔬食文則項王亦或嘗事佛

者然簡文之碑未嘗一言及於項而正除之文不過因簡文之碑而附會蔬食之意也又江總卞山楚王廟詩末云英威言幾何此當爲項廟也

歐陽亭在烏程縣歐餘山之陽越王句踐之後受封此山之墟

沈亞之故宅在烏程西南二十里地名小敷山卽舊誌之福山見杜牧之弔沈下賢詩

朱氏怡雲閣見石林避暑錄記圓證寺大松三十餘株夾道蔽日猶國初時故物石橋合諸澗經朱子怡雲閣之前其深處水面闊四五丈張文規所謂金碧潭者也其下流注朱氏子嵩之圃噴薄激射交流左右

掌集九 古蹟類

三

去吾廬不滿三里

碧琳池按石林避暑錄云吾居東西兩泉西泉發於山足蔚然澹而不流匯而爲沼纔盈丈許溢其餘流於外吾家百口汲者繼踵終日不耗東泉亦在山足而伏流決爲澗經碧琳池然後會大澗而出旁澗取以灌園皆此水也兩泉皆極甘不減惠山而東泉尤冽珍珠泉在飲馬池之下平地居民以溉田可百畝

白雲泉在金蓋山北麓亦乳泉也見山墟

瑤席池在道場山上

眞珠泉在妙喜寺

烏程侯井在縣東北孫皓時所開

放生池唐乾元二年春三月詔洋州之興道泉山南劍南黔中荆南嶺南江西浙西諸道迄於昇州之江寧秦淮太平橋臨江帶郭上下五里各置放生池凡八十一所顏真卿作放生池碑又乞御書題額

元張翥伏日陪吳興諸府公宴魯公池云芙蓉池上會羣公滿意華筵笑語中虹影連蜷山外雨荷香淡蕩晚來風歌催銀甲箏逾急涼入金尊酒易空我亦玉堂揮翰手題詩合在水晶宮

相國池烏程令李晤誕相國李紳于縣署幼弄之歲墜於治解之東池逾數刻若有物翼出因名

蘇公潭烏程秋曹掾蘇許公頽釋褐之職兼戎務上巳

掌集九 古蹟類

四

節郡有角檝之戲司戎者乘小艇往來檢飭因覆於城南潭中俄聞空中言無損許公因獲出無恙後人因其貴而名潭爲蘇公云

貴涇浦在霽谿西南岸梁時蘇氏女遇五采龜而生女爲陳武帝后因名

太子匯在卞山東吳封孫皓之父於此而皓繼吳統因名其舊迹也地產楊梅

釣魚灣在烏程西北三里都官郎中張先釣於此因附名

花渚在梅谿鎮吳越征西將軍吳瓌居此而構花石甚麗因名

玉帶潮安吉銅山鄉許夫人墓前早晚兩潮高尺許
靜蛙池安吉西常樂寺側蛙鳴聒耳開山肇法師翦紙
蛙投之卽止

四龍湖安吉東二里龍清觀左吳越王以望氣者言此
地有王氣使人鑿之忽有四鵠飛出化爲四龍

蛟龍池天目山東南瀑布下注數里蛟龍時見於此
乳泉井長興鼓吹山下其色白煎茶甚佳

玉竇泉長興西南六十里深廣皆二尺色紺碧味甘唐
處士鄭遨與道士李道殷羅隱築室泉口號三隱

金砂泉顧渚山貢茶院側唐學士毛文錫記云將造茶
時太守具禮拜祭頃之發源清溢供御茶畢水卽微

掌集九 古蹟類

五

減供貢茶畢水卽減半造畢水卽涸矣唐貢茶水二
銀瓶宋初用一瓶其後茶與泉俱不供至元時水大
發雖茶畢不減我 朝惟供南京奉先殿茶耳

月泉在武康慈相寺泉出石隙形如半月舊有披雲閣
後易名清暑閣呂祖謙月泉疏云斷崖吐月纔出半
規古瑩涵星尙懷全璧久矣寶匱之廢遐哉玉斧之
修護此寒清祓除氛翳名高詩社再傳和仲之符價
重帝城復值文饒之運

聖井長興東九里廣惠寺左有五井晉永嘉中陳氏所
穿陳高祖初生時一井泉涌出家人汲以浴之後稱
爲聖井

花瀨長興水口陸龜蒙云花瀨濛濛紫氣昏水邊山曲
更容部

五亭唐郡守楊漢公立於白蘋洲一曰白蘋亭二曰集
芳亭三曰山光亭四曰朝霞亭五曰碧波亭見白居易
易五亭記

歸鴈亭宋孫莘老治湖時作於天慶觀中道士山宗悅
乞名於東坡坡以歸鴈名之方是坡判杭州運司差
往湖州相度隄陴利害因題曰蜀客南遊家最遠吳
山寒盡雪先稀蓋以自寓思歸之意

三癸亭在杼山寺之東南顏魯公以癸年癸朔癸日建
陸羽因以三癸名之故魯公詩云歛構三癸亭實惟

陸生故

谿光亭在歸安縣前開禧二年邑宰鄭昭先建

六客亭在郡圃中李公擇爲守時張子野劉孝叔楊元
素蘇東坡陳令舉會於碧瀾堂子野作六客詞後東
坡與曹子芳劉景文蘇伯固張秉道會於郡圃繼作
六客詞亭蓋後名也

鷗波亭在子昂故宅之左今爲旗纛廟

車蓋亭殷康所建在車蓋山

毘山亭柳惲建

五花亭唐刺史韋景先所建以唐選士用五花判事爲
韋氏所建白故以名亭在峴山南麓

麗澤亭愛山亭俱在郡治治平三年張大寧建
雲泉亭在瑋市普賢寺

慶亭在長興縣腳嶺下建安二十三年孫權嘗捨虎於
此後沈法興將蔣元超與李子通戰慶亭卽此

左顧亭在德清餘不谿上孔愉放龜之處

明月亭在武康明月洲上

碧瀾堂攷堂乃霽谿館中堂名也杜牧之佐宣城時來
遊吳興爲書堂扁作霽谿館詩劉長卿南謫時亦寓
其中有作吳興自郡齋外凡治中別駕之廳俱名爲
館惟書館以待過從之客歷千百年來館名雖泯而
碧瀾之名獨存蓋重牧之也張廉有重修碧瀾記竟

掌集九 古蹟類

七

不知其爲霽谿館在宋時陳堯佐題碧瀾堂云茗谿
清淺霽谿斜碧玉寒光照萬家誰向月明中夜聽洞
庭漁笛隔蘆花

西亭在吳興郡西二里烏程治南六十步跨茗谿柳惲
天監十六年正月所建嘗與郡主簿吳均同賦西亭
五韻後邑宰李清重修顏魯公有記宋天聖中縣令
方仲弓改爲浮玉亭

夢馬堂紹興三年朱勝非卜地於吳興華嚴山嘉會寺
前葬其母楊氏夜夢十騎入山留一馬繫於林中因
請於朝改寺曰崇因薦福寺冢前起堂名以夢馬
二吳讀書堂在花渚壞之後裔可幾知幾兄弟讀書其

中

叢桂堂在安吉東一里紹興閒朱三思三省兄弟叔姪一門赴南宮者二十有七人鄉里榮之以名其堂

東萊讀書堂德清慈相寺後有謝夢生記

韻海樓大厯七年顏魯公修韻海鏡源於杼山因建此消暑樓在郡南子城上今四城惟南樓猶徹蓋其遺也牧之佐宣城時來訪郡公崔元亮因題詩末云時陪庾公賞指崔也

浮暉閣賈收耘老所居在定安門內沈會宗詞云景物因人成勝槩無塵可礙等閒簾幙小闌干衣未解心先快明月清風如有待誰信門前車馬隘別是人間

掌集九 古蹟類

八

閒世界坐中無物不清涼山一帶水一帶流水白雲常自在

茗谿漁隱云耘老水閣景物清曠會宗爲賦此詞阨與水閣相近同在茗谿南岸予有句云三閒水閣賈耘老一曲新詞沈會宗無限當時好風月如今總屬績谿翁

鎮湖樓在郡城南

魚脯樓在儀鳳橋南埠之東昔歲貢魚脯於此修製至今爲魚樓界

金婆樓在魚脯之東金婆好道築樓以居遇異人得太乙養元之道後因尸解後有過洞庭湖者見之以隻

履寄回啟棺驗之相合

管公樓在金婆左子昂夫人管氏奉先樓也子昂有記
吳城吳夫概築城於長城東二里名吳城梁吳均有吳
城賦

辛將軍故城皎然詩同李洗馬入餘不谿經辛將軍故
城一首按辛敬順郡之將也刺史獨孤問俗於上元
三年因寇亂遣辛築城金鵝山以防南寇

三城三圻在長興東臨太湖吳王屯戍之地步列三城
水列三圻

晏子城在安吉西北二十里晏子鄉吳地志云晏子娶
吳王女築城於此至今耕者得黃金狀如菱角中有

掌集九

古蹟類

九

齊字名晏子金事之有無殊未可辨但以晏子名鄉
或有自也

四安城隋大業九年置鷹揚府於此而築城云名四安
者吳興宜興故鄣廣德皆保障於是也

長城宮長興西二里陳文帝所居天嘉二年置於天寧
寺後

隱安在菁山宋知州事葛勝仲別業也外有谿澗澗澗
與釋贇能於此賦詩爲樂

釣臺長興西北三十里上有石壁如屏高五十餘丈陳
高祖少時釣處烏程妙喜寺亦有何楷釣臺

清容軒在慈感寺鄞袁桷字伯長號清容居士與趙子

昂交讀書於此因名

愛山臺在郡廨內西北隅宋郡丞汪泰亨所建取坡詩
尚愛此山看不足之句元張世昌有記

南園在定安門內宋寶曆元年太守滕宗諒因楊漢公
五亭唐末廢爲倉乃於此仍築五亭鑿二沼以存其
迹蓋亦漢公所置三園之一也

隱陽在安吉東銅山鄉相傳陶隱居曾居此

陸龜蒙別業在長興東地名陸匯龜蒙嘗仕爲吳興郡
丞其家故在吳之甫里而置茶山於顧渚其自遣詩
可攷

孔姥墩在烏程西北三十八里見列女傳

掌集九 古蹟類

十

千金墟在歸安東南四十里統記云吳王濞鑄錢於銅
峴山而置庫於此

三碑鄉城南七都至九都是也漢有三費碑在此因名
正路在烏程南七里昔正傑年十三鄰人胡氏築牆侵
其界傑乃夜移籬退三尺胡氏慙亦退三尺遂通行
路因以名之

白蘋洲考其名始於梁太守柳惲之詩至顏魯公爲郡
始輯爲八角亭後楊漢公遂拓爲五亭至光啟中李
師悅乃廢而爲倉宋朝以爲秀王大府至元泰定復
爲倉李直方白蘋洲記乃謂吳江之南震澤之陰爲
湖州已謬至云洲在郡城東南則又似列於城外洪

武中土人有作記者乃云在江子匯之西尤謬矣

落石在安吉李衛公廟宋政和二年三月四日隕二石於廟成化十七年八月甲辰復隕一石於殿後因名為落石山

七賢石在何山寺中寺僧移湖石於此狀如石丈故以名之皎然有詩

七石配七賢隱僧山上移石性殊磊落君子又高奇
歧禪服宜壞坐客冠可隕夜倚月樹影晝傾風竹枝
集質患追琢表頑用磷緇
佚火玉亦害塊然長在茲

采菱渡石沈監運得異石於葉石林之廢圃刻曰采菱渡其陽字二行王摩詰石虛用中書皆有印文復刻摩詰詩於下方云采菱渡頭風起策杖林中日斜杏

掌集九 古蹟類

十二

樹壇邊漁父桃花源裏人家此輞川舊物立於采菱渡者有郡人陳潤祖記

李相石罇見峴山

二仙石壁在長興洛陽五代時高士韓必吳松煉丹於此錢王遣羅隱招之遂隱去

白石洞天一在武康計籌山一在長興八座山側唐韓湘隱處洞與陽羨諸山通

石羅漢在安吉西南六十里香山寺

石匱在卞山東麓其高數丈相傳人不可開開必雷雨大作

石板在天目絕頂以板計者萬疊今武康石有類此者

石屋在天目山中可容數百人

石倉在孝豐西四十里景谿其石突起如倉旁有小祠
東西石樓在孝豐西南淨竹院後

石麒麟在長興西北二百步大雄寺南陳始興昭烈王
明陵前高九尺

石磨見梅谿山

石鼓見夏駕山

石胡梯武康西南三十五里沈羲登仙之處
磨箭石在昇山西南半山間
石人在德清縣南戴巷谿濱或以爲昔人隧道邑人呼
戴巷爲石人頭竹齋沈羸詩云檢點行藏歲月同石

掌集九 古蹟類

十三

人頭畔且從容向來奉口谿邊月此夜乾元寺裏鐘
陳朝檜在長興大雄寺殿前相傳陳武帝手植今江南
各寺院有老檜者卽託名爲陳朝檜檜何必陳朝始
有之上海靜安寺檜亦其一也浮俗附會之陋大略
相似

慶樹沈氏金鵝山之瑩麟士立祖德碑久而欲墮忽有
樸樹生於龜腹盤根抱趾聳榦夾碑疑如工造因名
爲慶樹見魯公碑陰記

雌雄木在東林山一開花不結子一結子不開花
銀坊孝豐之移風鄉古采銀處

仙人頂在烏程棲賢山之西葛洪煉丹處上有禪院山

下有石洞

火鑪頂在東林山上亦云葛洪煉丹之處下有九井井東有仙谿谿口有龜潭鳳潭西望葛仙山甚近豈洪之迹不妄耶要之東林偏近人邨非道家隱迹處或因葛仙山傳會至此

項王走馬埒在卞山

薤林在孝豐彭祖墓云其不種自叢生也彭祖墓豈應在此或錢姓子自相傳會耳

回仙祠宋沈東老名思字持正隱居東林山郡守祕閣陳誠伯以東老名其所居之菴亦因回仙之詩也平生有至行尊賢禮士聞於四方以藥十八味釀爲十

掌集九 古蹟類

三

八仙酒以飲客一日有青巾道士自稱回山人欲求一醉相與論古今治亂佛老之說自日中至暮飲酒數斗語東老曰聞公能黃白之術未嘗妄用且多陰功此吾所以來也旣而擘榴皮寫一詩過舍西石橋乘風而去有郡人劉一止回仙祠記

李衛公廟在安吉唐武德中輔公祐據丹陽詔李靖及趙郡王孝恭東討一戰而擒之邑人感公之德乃於西山立祠奉祀惟謹歲或乾溢禱之輒應賜額封侯始於政和自侯而公始於隆興至乾道五年邑士民請封王爵以生前已有衛公之封非封王不足以隆報乃封爲輔世忠烈王見沈樞廟記

長興李侯廟宋潘丙潘壬長興南鄉人太學生也見史
彌遠廢濟王不平因糾鄉兵立之事敗濟王遇鳩丙
壬被誅因欲屠湖州彌遠夢中見李太尉求免遂追
回大統制一城生靈俱拜李侯更生之賜長興至今
敬事之

舞陽侯廟在武康上柏里按沈彬廟記謂樊噲故上柏
里人從季母嫁沛人遂爲沛人云不知何所據松江
沿海及吳淞江皆有神廟廟必以漢唐名臣鎮之如
紀王廟卽紀信金山廟以霍光之類以鎮沿海水患
然水旱疾疫閒有禱之而應者起於信心也

翔鳳林天目山東北相傳鳳皇嘗見於此因名見顏魯
掌集九 古蹟類

十四

公石柱記

漢沈戎故宅在武康東北鳳皇山捨爲懷德寺宋治平
閒改爲皇覺寺

漢錢林故宅在長興西子山

漢樓船將軍金曼倩故宅在長興金山

秦程林故宅在長興縣南程氏橋卽古之善釀者

晉建威將軍莫核故宅在長興城山

晉南臺御史尙書令盛聰故宅在長興東箬谿盛灣

南齊祕書郎沈密故宅在武康西二百步建元元年捨

爲齊昌寺宋治平二年改爲證道寺

謝靈運故宅在烏程東南今爲福田寺

施斌故宅在梅谿鄉今爲樂平寺

陳武帝故宅在長興東九里光大元年詔立爲天居寺

宋治平閒改爲廣惠寺

章皇后故宅在府治東北陳永定三年捨爲龍興寺卽
今之天寧寺

陳青州刺史管聚故宅在施渚上強邨永定中捨爲上
強精舍

梁昭明太子菴在天目山有洗眼池相傳昭明嘗於此
讀書

梁吳均故宅在梅谿鄉青山

裴子野故宅在安吉永昌鄉

掌集九 古蹟類

十五

王文殊故宅在晏子鄉孝行里

蕭翼故宅在府治西北梁大同二年侍中蕭翼捨爲寺
舊名寶勝宋大中祥符改爲鴻禧

梁周弘讓故宅弘讓之弟弘政爲安吉令弘讓結宇山
中在縣南三十六里

梁江州刺史錢道居故宅在長興西九里捨爲清果界

梁駙馬都尉吳僧承故宅在長興東呂山

梁參軍駱祕道故宅在長興駱灣

梁水部郎沈著宅在德清南二十七里唐栖市大同二
年捨爲永明寺宋治平閒改爲大善寺

梁戴可先宅在德清西一里吳羌山之陰

梁青州節度使沈子真宅德清東三十六里一夕鐘磬自鳴堂前井出入道光有龍騰空而去遂捨爲八聖寺

伍子胥宅在府城西伍林邨相傳子胥曾居此

唐崔元亮故宅在長興西崔灣

孟郊故宅在武康西二里地名孟宅保有井名孟井

吳言故宅在府治北唐中和二年捨爲寺刺史王鸞表請爲景清禪院宋天聖八年改爲天聖寺

吳越驃騎將軍吳頊故宅在安吉西半里捨爲羅漢院宋治平閒改爲常樂寺

吳興地記所載陵墓誌不收錄具列於後

掌集九 古蹟類

六

吳文帝陵

吳景帝陵

鈕皇后陵

已上俱在弁山東北所謂西陵者

吳丹陽太守蕪湖侯太史慈墓

吳大將軍朱治墓

吳蕩寇將軍程普墓

晉侍中羅含墓

晉黃門侍郎潘尼墓

齊宣城太守王靈鞠墓

梁司空康絢纘墓

陳五兵尚書唐宗墓

已上俱在烏程

陳錢皇后陵

殷仲文墓

已上俱長興

齊中大夫朱安期墓在德清新市鎮唐元和十年鍾斯
染請於刺史薛戎移建覺海寺

吳興掌故集卷之九

掌集九

古蹟類